

PARTIDONAN A DUNA JOHN BOOI CALUROSO BON BINI DEN ARENA POLITICO

OTRO TUMOR DESCUBRI CERCA PRESIDENTE REAGAN

WASHINGTON: Ayera presidente di Estados Unidos Ronald Reagan a ser opera pa saca un tumor cu no tabata maligno den su intestinos.

E duracion di e operacion tabata un ora, pero despues a ser descubri un tumor mas grandi y esaki aparentemente si por ta maligno segun e informacionnan ricibi.

Awe e presidente lo ser opera un biaha mas pa saca e tumor aki di su intestinos, segun Larry Speakes e operacion aki lo haci cu e presidente lo keda den hospital entre 7 pa 10 dia.

Presidente Ronald Reagan, ta den hospital di marina, Bethesda na Washington.

MESTER ACTUA MILITARMENTE CONTRA SECUESTRADORNAN

WASHINGTON: Segun vocero di presidente Reagan Larry Speakes, e presidente no ta exclui mas accion militar como represalla contra accionnan di terrorismo. El a bisa cu gobierno di Merca ta studiando riesgonan y ventahanan di accion contra terrorismo internacional y cu e presidente ta di opinion cu lo mester actua militarmente awor. Ta ser hasta menciona bombardeo di lugarnan di entrenamiento di terroristanan y cu esakinan ta conoci pa Merca. E vocero a laga sa cu ta necesario pa actua contra terrorismo y cu gobierno di Merca lo haci esaki tambe.

Ariba e combinacion di fotonan aki por mira momento cu diputado Grace Bareño na nomber di parlamento di Aruba ta entrega un guitarra na Sr. John Booi den presencia di gezaghebber Pedro Bislik presidente di Parlamento.

Tambe por mira Sr. Booi den presencia di su señora esposa, su yiu muher, presidente di parlamento y secretario nobo di territorio insular di Aruba Sr. Armando Muyale cu oficialmente lo ta den e funcion aki dia prome di augustus. Durante henter e reunion, elogio tabata ser expresa pa e trabao cu Sr. John Booi a desplega den e ultimo 20 añanan como secretario di territorio insular di Aruba.

Durante e reunion tambe diferente di e oradornan a expresa palabranan di bon bini na Sr. Booi cu recientemente a ser nombra como presidente di e partido Accion Democratico Nacional, ADN.

BERGAD NUNCA A PER-
JUDICA NINGUN HENDE
NINGUN CAUSA NI NIN-
GUN NACION

Diario

DI ARUBA

Bo Matutino
Netamente Arubiano

DIASABRA 13 JULI 1985 AÑA 4, No. 1368

